

MAHATHIR - SAMBUTAN

KUANTAN, 11 SEPT. (BERNAMA) -- PERDANA MENTERI, DATUK SERI DR. MAHATHIR MOHAMED MENYERU ANGGOTA-ANGGOTA UMNO SUPAYA MENGHADAPI CABARAN DAN ISU YANG BERBANGKIT DENGAN TENANG DAN MENYELESAIKANNYA DENGAN TELITI SECARA BERMAUFAKAT SESAMA SENDIRI.

BELIAU YAKIN SEGALA MASALAH YANG DIHADAPI DAPAT DIATASI DENGAN JAYANYA MELALUI KERJASAMA SEMUA ANGGOTA.

KATANYA, CABARAN DAN SESUATU ISU BERKAIT RAPAT DENGAN ETIKA BERPOLITIK, KEDUDUKAN EKONOMI DAN MASA DEPAN BANGSA SERTA BEBERAPA KEPENTINGAN YANG DIPERJUANGKAN OLEH UMNO.

DATUK SERI DR. MAHATHIR YANG JUGA PRESIDEN UMNO BERKATA DEMIKIAN DALAM KATA-KATA SAMBUTAN SEMENA KONVENSyen KEEMPAR UMNO NEGERI PAHANG YANG BERLANGSUNG JUMAAT INI.

KONVENSyen ITU DIJANGKA DIRASMIKAN OLEH TIMBALAN PERDANA MENTERI, DATUK MUSA HITAM DI MAKTAB PERGURUAN KUANTAN DI SINI PUKUL 3 PETANG. -- LAGI.

1058MST 11 09 85

MAHATHIR - SAMBUTAN 2 KUANTAN

DATUK SERI DR. MAHATHIR BERKATA, SEJARAH NEGARA DAN SEJARAH UMNO DENGAN NYATA MENGGARISI KEJAYAAN-KEJAYAAN YANG TELAH DICAPAI OLEH UMNO SEJAK DARI SATU DEKAD SEBELUM NEGARA MENCAPAI KEMERDEKAAN LAGI.

KATANYA, UMNO BERJAYA MENGHADAPI BERBAGAI-BAGAI MASALAH DARI MASA KE SEMASA BAGI MEMASTIKANNYA TETAP UTUH DAN KEUTUHAN ITU YANG MEMBOLEHKANNYA MEMPERJUANGKAN BANYAK KEPENTINGAN BERKAITAN DENGAN PARTI, BANGSA, AGAMA DAN NEGARA DENGAN JAYANYA.

PERDANA MENTERI BERKATA MASALAH-MASALAH YANG DIHADAPI JUGA TELAH MENEBAHKAN KETAHANAN ANGGOTA-ANGGOTA UMNO ITU SENDIRI.

DALAM HUBUNGAN ITU, BELIAU MENYERU SETIAP ANGGOTA PARTI SUPAYA JANGAN LETIH MENYELESAIKAN MASALAH SAMA ADA DALAM ATAU DI LUAR PARTI.

MENGENAI KONVENSyen UMNO PAHANG, BELIAU BERHARAP IA AKAN DAPAT MENEROKAI PERKARA-PERKARA KEPENTINGAN PARTI BAGI MASA DEPAN UMNO DAN KEPENTINGAN YANG DIPERJUANGKAN. -- BERNAMA

1100MST 11 09 85